

TILSKIPUN

74

12. sept.

um breyting á tilskipun nr. 112 20. ágúst 1938, um gerð og afgreiðslu sérlyfja.

FORSETI ÍSLANDS

gjörir kunnugt: Að ég hér með skipa svo fyrir sem hér segir:

1. gr.

Síðasta málsgr. 10. gr. tilskipunarinnar hljóði svo:

Sérlyf er þó jafnan leyfilegt að afgreiða, ef verð þess er ekki hærra, og skylt, ef verð þess er lægra en verð samsvarandi lyfs samkvæmt lyfjaskrá eða viðurkenndu lyfseðlasafni.

2. gr.

Tilskipun þessi gengur þegar í gildi.

Gjört í Reykjavík, 12. september 1946.

Sveinn Björnsson.

(L. S.)

Finnur Jónsson.

AUGLÝSING

75

19. sept.

um staðfestingu forseta Íslands á breytingu á reglugerð fyrir Háskóla Íslands, nr. 47 30. júní 1942.

Samkvæmt tillögu menntamálaráðuneytisins hefur forseti Íslands í dag staðfest eftirfarandi breytingu á reglugerð fyrir Háskóla Íslands:

5. tölul. 32. gr. orðist þannig:

Dönsku, ensku, frakknesku, latínu, sænsku og þýzku. Kennslan miðar að því að veita stúdentum haldgóða þekkingu í þessum tungumálum, með það fyrir augum, að þeir geti lokið baccalaureorum artium samkvæmt 52. gr.

1. málsgrein 52. gr. orðist þannig:

Prófgreinar eru þessar:

1. Íslenska.
2. Danska.
3. Enska.
4. Frakkneska.
5. Latína.
6. Sænska.
7. Þýzka.

Þetta tilkynnist öllum, er hlut eiga að máli.

Menntamálaráðuneytinu, 19. september 1946.

Brynjólfur Bjarnason.

Birgir Thorlacius.